

Datganiad dwyieithog yw hwn. Mae'r fersiwn Saesneg yma.

This is a bilingual media release. The English version can be read here.



Cynulliad
Cenedlaethol
Cymru

National
Assembly for
Wales

DATGANIAD I'R WASG

MEDIA RELEASE

Embargo tan 00.01, 20 Gorffennaf 2017

Llywodraeth Cymru yn ariannu tyrbin gwynt CELT2 – datganiad gan Gadeirydd y Pwyllgor Cyfrifon Cyhoeddus

Mae Nick Ramsay AC, Cadeirydd Pwyllgor Cyfrifon Cyhoeddus Cynulliad Cenedlaethol Cymru, wedi rhyddhau'r datganiad canlynol mewn ymateb i adroddiad Swyddfa Archwilio Cymru – 'Llywodraeth Cymru yn ariannu Carmarthenshire Energy Limited'.

Dywedodd Mr Ramsay:

“Mae adroddiad yr Archwilydd Cyffredinol yn amlygu ystod o wendidau llywodraethu sy'n bygwth hygredd Llywodraeth Cymru yn ariannu tyrbin gwynt CELT2 yn Sir Gaerfyrddin.

“Rwy'n pryderu ynghylch y gwrthdaro buddiannau yr oedd Llywodraeth Cymru a'r cwmni cyflenwi, yr Ymddiriedolaeth Arbed Ynni, yn ymwybodol ohonynt ond a oedd wedi methu â'u rheoli i lefel dderbyniol.

“Roedd diffyg manylion a chydbwysedd digonol yn y briff dilynol a roddwyd i'r Gweinidog a roddodd y gymeradwyaeth derfynol ar gyfer £810,000 o becyn ariannu'r Llywodraeth.

“Yn benodol, mae'n destun pryder na chafodd y Gweinidog wybod am y gwrthdaro buddiannau nac am yr ystod o ganlyniadau posibl mewn perthynas â'r arian dros ben y gallai'r cynllun ei greu i'w ailfuddsoddi yn y gymuned leol.

“Bydd y Pwyllgor Cyfrifon Cyhoeddus am ystyried yr adroddiad hwn yn ofalus, gan ei fod yn awgrymu diffyg llywodraethu cadarn ynghylch defnydd Llywodraeth Cymru o arian cyhoeddus i ariannu cyrff gwirfoddol sy'n bwriadu darparu a chefnogi mentrau pwysig sydd o fudd uniongyrchol i gymunedau lleol.”

Mae'r adroddiad llawn ar gael gan Swyddfa Archwilio Cymru.

Nodiadau i olygyddion

I gael rhagor o wybodaeth, neu i wneud cais am gyfweiliadau, lluniau neu gyfleoedd ffilmio, cysylltwch â gwasanaeth cyswllt â'r cyfryngau y Cynulliad Cenedlaethol ar 0300 200 7487, neu anfonwch neges e-bost at newyddion@cynulliad.cymru.

English



Cymraeg

